

Samuel Dumfries a declama poema Weka M' Kono na World Arts Games

ORANJESTAD - Recientemente Museo Maas-luis a ofrece Artistanan Caribense y artistanan Hulandes pa duna exposicion den colaboracion cu World Art Games di Hulanda (WAG NL).

Mas cu 20 diferente artista creativo a haya e chens pa contribui cu nan trabou di arte den e exposicion aki. E tema principal tawata Maas-luis, na unda cada artista por a uza nan creatividad pa crea un artesanía relaciona cu awa, lama, waf y pesca. Tawatin diferente disciplinanan artistica cu a wordo presenta entre otro pintura, escultura, fotografia, arte textiel, arte den vidrio, arte di papel, literatura, musica y poema cu a wordo declama. Tres poeta, Eugenie Herlaar, Samuel Dumfries en Andries de Haan a wordo acerca y selecta pa contribui cu un poema pa e exposicion aki na Maasluus.

De poeta Arubano Samuel Dumfries a declama su Poema Weka M' Kono, cu ta Swahili pa "Man den Man". E a wordo inspira door di un grupo di hende muhe cu a topar otro na e beach di Man-

gel Halto na unda nan tawata positivo y constructivo cu otro, dunando na unda amor tawata reina den nan amistad.

Dumfries a declama e poema aki acompaña door di e tocanan di Djembe "Drums of the Earth" cu nan instrumentonan di percusion cu a duna un extra dimension na e ceremonia di apertura di World Art Games na Hulanda. Pearl Dumfries tambe a canta su cantica "Awa".

Inspira door di su poema 'Weka M' Kono' e artista Bikkel Artist a traha un pintura di acrylic di e performance. Un otro artista Fredie Kloen tambe a wordo inspira y a traha un figura di palo cu ta representa e Amistad y e amor di e hende muhenan aki cu tawata capaz pa ta constructivo cu otro ora nan tawata na e beach di Mangel Halto.

E poema y performance di Dumfries cu Djembe's a wordo bon ricibi door di e publico presente. E conocido artista Bikkel Artist, naci na nos hermana Isla Corsou ta e arquitecto di e organizacion di WAG NL na Maasluus Hulanda.

